

青
芝
山
館
集

青芝山館集序

青芝山館集者臨川樂君元淑自署其所著詩文也

氣孤稟年甫踰冠卽以選拔貢生舉江西鄉試才名播天下
嗣而之京師游吳楚所至輒傾其勝流家貧甚奉母僑江淮
間東南諸大府虛左爭延致所居大都浩穰赫奕日周旋於
綺襦紈袴之中而元淑狷狹孤潔氣岸嚴冷矜慎片言而凜
取一介視脂韋洪泌事嫉之若讐惟殫精畢慮於詩古文詞
務追古人不傳之隱於高遐淡叟幽邃曠邈之區若愚公之
移山夸父之逐日不瘁其力不止旣以甘旨故不能自搏節
性不善治生又恥以生事累朋舊以是名益高交益廣而境
乃益困困則一以詩酒自解往往夜漏及四下則獨飲飲已
復握管以寫其高抗堙鬱之氣如是者數年而元淑病矣嚮

使元淑少貶其節逸其思則境不至困困亦不至病以死古所謂繁憂損人爲文傷命有如此者雖然元淑非行峻而道窮則必不能投跡高軌抗衡古著作之林然則元淑雖死而不死者固在也嗟乎士習之弊也立身行已旣尠能以聖賢自律降而爲辭章亦復不探古作者之源升其堂而躋其哉徒媮爲一切與竝世之人較短長博時譽而已宜乎爲之者日衆而卓然有以自立者日希也若元淑者可以風矣余交元淑久同客邗上時卽以全集索余序諾之而未果今乃於其子少華所校錄而輯存之陳君曼生爲付剞劂以永其傳凡詩二十二卷文二卷詩餘三卷其造詣所臻芳臭氣澤所在識者自辨之而余獨持文行之說以質諸二三同志之知元淑者非敢爲竝世立言之士告亦姑以抒余挂劍之悲云

嘉慶二十有二年十二月望日鎮洋彭兆蓀序

青芝山館詩集總目

卷一 詩一百六十二首

卷二 詩一百二十三首

卷三 詩一百四十四首

卷四 詩一百三十四首

卷五 詩一百四十二首

卷六 詩九十八首

卷七 詩六十五首

卷八 詩一百四十八首

卷九 詩五十一首

卷十 詩六十一首

卷十一 詩七十五首

卷十二 詩九十首

卷十三 詩七十一首

卷十四 詩六十七首

卷十五 詩六十首

卷十六 詩一百三十二首

卷十七 詩一百二十二首

卷十八 詩一百二十首

卷十九 詩九十二首

卷二十 詩九十首

卷二十一 詩八十七首

卷二十二 詩一百九首

青芝山館詩集卷第一

臨川 樂 鈞 元淑

古今體詩

乾隆甲辰

陌上草

青青陌上草不逐春花老
蕩子去深閨佳人懷遠道
遠道入咸陽深閨春日長
婉婉紅襟燕雙雙
巢盡梁門臨大隄曲垂柳
毵毵綠朝聞紫騶嘶
暮見香車逐紫騶
垂玉鞭香車露翠鈿
相逢不相避相見還相憐
相憐復奈何相憶兩情多重門
白玉鑲曲室黃金梭
松蘿弱兩情空附託
不見連枝花一開復一落
秦山高復高渭水流滔滔
緘愁寄錦字和怨吹瓊簫
庭下櫻桃樹是郎聽簫處
風動玉簾鉤鳴機織輕素

翡翠

久巢珠樹戲蘭苔
毛羽零星飾鬢
翹悞入網羅應莫悔
遭逢猶勝侍中貂

戲擬

夢影畱還滅
愁絲斷復連
花殘花蒂在
月缺月闌圓
繡蝶雲屏裏
聽鶯小閣前
芙蓉太遲暮
先自采荷錢

折楊柳

銷魂橋上銷魂樹
往時女伴踏青處
一聲啼鳥東風生
弱絮柔絲動無數
絮飛絲亂傷我情
今日果送行人行
欲行未行腸斷絕
手折柳條贈郎別
郎別何時卻復還
柳條依舊待郎折
春波激灩浦
陵東新綠裊裊縈殘紅
殘紅泛波不得住
春來春去柳條中
柳條中高樓下
何處王孫來繫馬
料爾聞人

亦斷腸樓前亦有垂柳長柳邊繫馬未歸客恐是儂家遊冶郎

郡城踏春二十四韻

年少宜芳序春淡始獨遊雲凌清曉豁雨併積寒收井竿粉
榆茂郊垌薺麥稠柳萸交廣陌蘅杜帶中洲水闊南湖近山
濃北郭幽民淳少裙屐地曠絕軒輶竹瓦耕田宅椶棚賣酒
樓提籠桑婦語橫笛牧童謳稍出箴筭外遙通畧約頭野棠
叢亂蜚文藻戲輕儵牆矮塗青粉檐虛寫碧油漿從芴舍乞
句向左扉畱倘恍疑重到低徊不自由細桃迎日媚翠蔓引
風柔許史紛儀從田彭盛侶儔車塵蒙綺縠衣佩響琅球昏
燭猶連夜嚴霜未覺秋簪纓俱宿草亭榭卽荒邱極樂非華
靡佳辰足泳游孤蹤翔大塊好夢入虛舟城鼓淵淵發邨煙

漢漢浮坐聞啼鳥喚行對落花愁興往仍紆鬱身閒頗謬悠
香榭峯上月今夕正如鉤

春蝶詞

綺閣殘香漬煙草綠梅紅蕙雪中老吹花擘柳風信乖閨人
倦繡羅鞞鞋桃葉纖長曳輕碧穿樹倉庚語如織五色雲衣
飄曉寒春魂入夢無消息

秋蝶詞

鯉魚風吹黃雀雨花魂抱香葬何許雕楹畫檻啼越女蕭蕭
絡緯煙中語轆轤不動秋千閒寒莎委石金欄斑微霜苦凋
豔陽節粉剝翠消心斷絕

和友人春暮過訪相約出遊之作

莫待春歸始送春落紅成雨又成塵東風漫作催花使南陌

稀逢門草人兩道危橋又燕尾一溪新水皺魚鱗
閑心亦到忘情客谷口來尋鄭子真

山齋四首

犬吠不到處捲簾空翠多遠風出蘭杜清氣在煙蘿
挂笏雲相媚調琴鳥欲歌桃花倚牆笑恍惚似黎渦

潑潑童心在髟髟壯髮長觀書慙卓犖玩世覺清狂
醉拍烏皮几慵眠鼠跡牀客來誰解事刺促話溫涼

垂帷偶習靜修景下高春樵牧歸溪柳精靈出古松
心隨燈影住夢與墨花濃未覺夜長短微微聞遠鐘

卻被山花惱閉門徙倚頻繁愁添宿病豔句續殘春
雨細鶯毛溼風低草態新時憐溪影動知有浣紗人

漫興

東風飄忽送春華。碧草紅泥路。總差蔥翠園林。新雨暗昏黃。
樓閣斷雲遮蟾蜍。何日方辭月。蝴蝶前身。恐是花。誰道琅邪。
爲情死夢魂。曾未到西家。

奉寄曹進齋先生

童子軍司三千人。先生以我爲冠軍。雪中走謁汗流背。誇我
文字能超羣。少小嬉遊廢誦讀。如今稍惜齋窗燭。何知出壑
比清冰。幸得登山采良玉。先生政暇猶讀書。時呼一鶴舞庭
除。溫言入酒如醍醐。歸來雲氣生衣裾。落拓平生感遇初。立
身從此資師模。香淡色明花幾株。不是春風開得無。

散仙謠

獨立閑風風吹衣。三市樽桑騎馬歸。星辰皆胸臆。可數刀劍
入手靈。能飛遊戲市廛癡。不語素書質與當。驀女萬里火光

驚醉眸當樓喚酒作神雨閨闔日射黃金鋪侍者衣懸五色
珠蒼麟赤鳳應節舞鈞天再奏開天厨未許琳堂侍曲宴姓
名空挂神仙傳屈曲世間今幾時跳身壺裏無人見曾向勾
漏求丹砂亦會聖石鍊黃芽雲中舊擲金桃核已發天台萬
樹花

橫秋閣 并序

閣爲宋太守謝公奕楸建在郡圃玉茗亭北久傾圯乾隆
甲辰太守平湖陳青柯先生重建於圃中圃卽古金柅園
也落成值郡試遂以命題

閨闔風清埽碧落賞秋須上橫秋閣玉茗花秀賸野煙柅園
夜夜啼烏鵲舊址新平地幾弓風檐雪壁凌高空勝蹟一朝
還謝守秋聲五夜感歐公

太守別號夢歐

茶香試院鳴蟬靜笑聽洛

下諸生詠海底眠龍失大珠花中舞鳳當明鏡叢桂香殘木
葉稀遙想凭闌放眼時豪士蒼鷹衝日過仙人黃鶴帶雲飛
菊花有信開重九萬里秋光落杯酒欲飛長劍倚蓬萊更捲
疎簾納星斗崔巍東望是春臺春臺在
鵲牌東春來桃李滿城開四
時佳日都堪賞只愧登高作賦才

代人寄所思

東南日出見秦樓紅葉何曾泛御溝夢已蘅蕪香裏散人難
金鵲鏡中畱石榴半熟猶酸齒蓮子全乾亦喫喉悔飲君家
百花釀三年沈醉一生愁

郊外秋晴望雲林諸峯粲然可數

我家雲水鄉溪港束衣帶臨汝瀉長源潯陽台遙派郭東山
尤好遠色勝螺黛脈絡窮東南松嵐秀天外何物青蓮花亭

亭開上界認是雲林峯參差破煙靄中峯更尊嚴獨受羣山
拜頂如筆尖銳脊若劍鋒快屏幃層疊張旌旃左右對餘情
尚逶迤一氣自涵蓋岡巒跨旁州名勝紀前代秋高萬障徹
眼放八埏隘登躋雖無絲睇所得盡態會聞吳越閒邱壑多
堪畫地德洵已佳人工或相敗亭臺金碧塗士女綺羅賽茲
山落吾郡高空得自在有若絕代妹修容屏妝戴又如逃世
人身骨獨清介頗疑危宏文圖記侈神怪石靈雲自興天旱
雨當沛何必參龍僧金槃弄狡獪

殘雪

鷓鴣號號猶急鵲鴿寒未歸庭梅風落盡一樹冷雲飛

乙巳

惆悵行

惆悵復惆悵未死情猶望願君爲月我爲雲青天碧海長相
傍長者箭曲者弓對面各左射一西復一東何況形勢本歧
異我爲墜露君飄風仲春時節如年少百鳥嬌歌萬花笑朱
顏綠鬢能幾何君家明鏡不同照百結愁腸君豈識聞君清
淚滴瑤席遙遙雨意不分明春水春山一色碧

雨中看桃花二首

日日窺人笑今日背人泣啼妝不可支強凭闌干立羸取倚
牆人垂垂衣袂溼

傍有青李花春姿亦綽約未開不解愁獨抱芳心落安得化
綺羅張空作帷幕

春郊

雨晴煙暖過春三溪上人家正浴蠶垂柳幾株飛翠碧野花

一色勝紅藍。嬌羞看叟扶藜杖。山僧宜僧著草庵。認得屋梁
雙燕子。隨儂歸去話呢喃。

冶仙詞三十二首

光碧堂深月未高三千玉女醉蟠桃。何人誇說崔婆酒可及
瀛洲白玉膏。

金風輕拂絳河涼。鸞杼無心弄七襄。剪取妬羅雲一片爲牽
牛製錦衣裳。

青雀低飛背彩霞。侍兒扶上紫鸞車。罡風只在珠簾外吹落
飛瓊鬢上花。

白環瑤幹久成林。神籟蕭蕭響夜深。誰駕鸞車浮弱水細聽
花外落霞琴。

月殿清虛冷素娥。當時青桂已婆娑。天風吹下霓裳曲傳與

梨園按譜詩

龍月城中罷宴歸，醉眠忘解六銖衣。
瑤臺一夜春寒峭，碧柰花前雪飛。

簫聲嗚咽繞蓬山，何用金丹駐玉顏。
一霎秦樓荒草合，忍騎飛鳳到人間。

邏谷春風十里香，馬頭迎拜玉卮孃。
神仙亦有憐花癖，怪得南園蛺蝶忙。

金精山半紫雲多，石上千年石鼓歌。
紉扇光於金鵲鏡，至今畱得照青蛾。

珠幢翠葆過紛紛，微見交龍門鳳裙。
袖裏天花俄散盡，餘香猶作妙曇雲。

身是梅花住九疑，仙心端不爲情癡。
羊權已隸東王籍，金玉

雙環卻贈誰

水佩輕搖杜若風明珠相贈入懷空可憐神女都游戲更賺
襄王到夢中

芙蓉花發滿秋城白馬青驄向玉京館主是仙何待說王郎
一夢抵長生

香草種成都五色華蠶出後已三眠生涯自有同功繭不借
天公下禮錢

來時悄悄去恩恩頃刻琅玕斷碧空北燭仙人腸斷久不應
歸向紫蘭宮

畫長溪院共彈碁露溼門前玉樹枝香氣從風通下界仙人
原自要人知

倏燦雷鞭拂紫綃八方風雨夜迢迢那知玉女招天笑投過

蓮花幾百驍

玉蕊院中香未歇金莖花外語猶新分明萬里消魂路碧海青天思殺人

少入秦宮字玉姜朱顏未改見秦人童男童女空浮海柏子松脂都得嘗

金粟香濃夜色晴繡襦半帳起秋聲仙人亦怕瓊臺冷卻下西山看月明

帳角金鈴墮曉風驚回塵夢了無蹤劉郎莫歎朱顏杳洞口桃花卽是儂

洛水波平暝霧開飛鳬遙向鏡中來神光恰許分明看要盡陳思八斗才

年少非將狡獪誇偶來擲米作丹砂滄桑三變無人信池裏

紅蓮放白花

斷愁已佩揮精劍悟道曾吞駐景丸
朱履一雙化爲石儘人持向繡牀看

三生石畔遇雲翹搗盡元霜鬢欲凋
仙侶也須人世物要將玉臼到藍橋

碧玉闌干白玉墀青旛勿勿近花枝
星娥月姊長相過只避封家十八姨

偶隨鸞鶴下空山行過招靈一笑還
白燕未歸春夢遠玉釵遺落在人間

漫言金格姓名垂一撫雲璈已別離
空贈仙樞龍席訣爭教心死不相思

玉板金槌落九天何人臨水盜青蓮
佳期暗遣雙鬟代了卻

塵間一笑緣

被謫湘江十載餘青靈提挈上清都何緣卻憶包山客贈與
登真玉唾盂

神梨火棗勝金丹不與人間長史餐莫怨仙家無皁白早將
名字注仙壇

琪花瑤草空淒麗海雨天風自杳冥圖畫崑崙得似眼中
五岳失真形

誰遣

誰遣風簾下玉鉤薔薇嫋嫋覆牆頭醒經夢處還疑夢病憶
愁時更欲愁芳草未通攜手路遠山猶對畫眉樓生憎柳外
催歸鳥飛去飛來喚不休

古意

獨鳥巢幽樹孤山媚夕陽只餘春夢好角枕繡鴛鴦

墜釵歎

夢魂夜赴牂牁微曉妝出禱黃陵廟門前香霧雜紅埃墜卻
紫玉同心釵顏羞步急了未覺歸來懊恨摧心懷此釵是郎
聘妾物釵合貯藏加屈戌食貧三歲不肯售今日爲郎永拋
失郎歸釵去猶可爲釵去知郎歸不歸可憐鏡裏銜花燕正
傷它人釵綵飛

獵者謠

駿馬披雕弧風鳴金僕姑不因狐兔發大澤有於菟

丙午

雪後

雪後初開石谷蘭玉妃新餌八瓊丹東風吹袂無人見自挾

雲和寶瑟彈

修月館作

幾日春雲喚研屏
西窗無意讀元經
草過畫閣闌前綠
山入妝臺鏡裏青
木筆花閒吟思豔
酒旗星落醉魂醒
長牋小盞須酬荅
新繡鴛鴦且暫停

春書曲

鈿合獅負光如線
狸奴夢醒辭香薦
牆角一枝黃牡丹
風翻日炙無人見
黃金踟躕罷織絹
低頭自弄虎魄釧
西鄰姊妹笑欵門
來借桃花撲蝶扇

古怨

一紙軍書破百城
羣公疊表賀昇平
長安少婦偏垂淚
夢聽沙場鬼哭聲

夢醒

夢醒無人見
恍然生遠愁
一身猶自懶
萬事與誰謀
海日移松逕
山雲滿竹樓
鳴蟬聽不得
直是到深秋

讀史雜感

刪書斷自甲辰年
古史無徵或不傳
上世春秋曾十紀
今時運會尚中天
八荒孰與分河嶽
三變誰能辨海田
安得化人談至道
爲吾窮溯劫灰前
瓜離豆剖裂金湯
南充東揚跨越強
割據封疆無樂土
英雄苗裔總降王
翻聞瑞燕誇元魏
晚見眞龍出晉陽
貞觀幾年書政要
僅將刑措比成康

火井無光劫運初
千年戎馬逐簪裾
老羸庚癸流亾盡
婦女丁壬燼蕩餘
禦盜至浮鵝頭
詔求賢早廢鵠頭
書兔園君子

同憂切時向糟邱一破除

誰遣蚩尤作五兵紛紛爭地復爭城無名師旅空屠戮有道君王亦戰征百劫蟲沙消殺氣九天風鶴助悲聲羸顛劉蹶嗟同盡依舊欒槍午夜明

白茆黃土誓山河風急天潢水易波周室宗親分玉改漢家封建耐金多桐圭不剪猶堪說豆釜相煎復奈何忍使黃臺瓜蔓絕廢陵松柏有枝柯

空林雪後見松筠鐵骨冰心代幾人亂世有才多負國餘生作賊爲全身李家累葉修降表馮道三朝列輔臣莫比良禽誇擇木商辛雖暴有遺民

秦代長城比鐵牢漢家邊將復功高雁門幾日烽煙靖龍塞連年士馬勞戰地秋風吹簞策離宮春酒醉蒲桃可憐猶恃

和親計落盡天朝使節旌

龍魚虎鼠轉移中莫道君臣際會同
國將軍常跋扈衰朝宰相獨尊崇
上方誰請朱雲劍司隸難逢鮑氏驄
高閣書生成底用無聊終日但書空

陰陽消息本相因璇室瑤臺禍最頻
漢殿垂簾山母后唐家當宁到才人
際天雲霧常爲雨得地鶯花易作春
不是傾城能喪國牝雞從古戒司晨

西黃南琛職貢全離宮別館跨山川
皇家豈論中人產富國還徵少府錢
三輔黃圖誇鞏固萬方黔首歎顛連
當時應笑神堯拙辛苦茅茨住百年

休論鷺鳥立垂枝螭屈龍伸總片時
達似陶潛猶縱酒狂如李白只吟詩
士甘貧賤寧無故才遇昇平那得奇
惟有姓名

懸日月英靈相見一軒眉

文苑儒林古戰場幾人摧敗幾夷傷
沈埋寶劍騰秋氣墮落明珠起夜光
三代典章猶闕失百家著作易消亡
蠹魚應笑書生拙辛苦讐書仰屋梁

從軍樂

玉帳弓刀躍金墉鳥雀飛功成須一戰馬上脫戎衣

豔情

小園三面綠闌干日暮風輕縞袂寒
曾見海棠花上蝶燈前繡出與郎看

溪上晚涼二首

一片山雲蓄雨數聲牧笛從風人在赤闌橋上水流白藕花中

漁船已無釣客野屋正有炊煙枝上衆蟬相語沙頭一鷺如
仙

重遊百花洲二首

少小嬉遊處今來歎復驚圓花殘有淚湖水澹無情短夢橋
邊影前塵壁上名夕陽已愁絕不待感秋聲

薄宦先人屈浮名此日求悲歌離酒肆生計羨漁舟鳥聽孤
兒語雲知老母愁蘇公應冷笑科第果榮不

丁未

花朝

城西野桃尋小紅山谷詩懷得暫同今日花朝花盡落一羣
嬌鳥散東風

春暮

衆綠深如海，殘紅爛作泥。一年春又過，不待子規啼。

江妃怨

一聲玉簫驚鴻舞，四萬宮娥色如土。門茶猶許勝君王，當時
恩寵何須數。燕子飛來入漢宮，班姬絢扇捐秋風。願爲邢尹
不可得，何能復與英皇同。驪山絲篴聽難徹，華清祕戲無人
說。但聞肥婢常洗兒，楊氏一門威燄熱。猶憶諸王侍宴時，履
珠脫綴心自悲。連城不受纖塵浣，此意君王爭得知。西閣偶
然承密召，紅日迴光暗中照。官家轉側畏人聞，那敢悲啼更
歡笑。長門作賦倚何人，樓東寂寂詠芳春。愁來只共梅花語，
又被東風吹作塵。

卽事

草細苔深路不通，鶯啼燕語斷垣中。洞天羊角迷長夜，山月

蛾眉墮曉空。買醉欲謀千日酒。次愁偏畏五更風。夢中記載
研光帽。一曲山香舞未終。

桂宮曲

白麟出遊朱雁飛。天馬遠自流沙歸。文成五利奏天子。行樂
千年可不死。桂宮差戔接日月。采恩霽雲光洞徹。海中隱躍
見金闕。霓旌絳節紛明滅。無人采藥登蓬萊。神仙不到通天
臺。茂陵秋風生古哀。

山行

野水無聲去。閒山著意尋。雲來松氣活。雨過石痕深。信步迷
春草。微生感候禽。不須幽絕處。已慰出塵心。

禽言

歸昌歸昌四海來。王天下兮安寧壽考兮無疆。主不聖臣不

哲戢文章老丹穴望榮光感休氣今來與世爲祥瑞
都護都護橫山斷渡戈旆焜煌馬嘶人怖奏凱歸來封萬戶
錦衣挂上山頭樹

同力同力高樹磐石下有蛇虺可啄而食千人一聲敵無堅
成

告天子將早朝列侍衛進臣僚紅日曠曠升絳霄

呢喃呢喃月過春三春三夏五風風雨雨華屋戕戕舞夜
歌奈九秋何

莫損花花白好看花人應不老

阿哥阿嫂阿嫂在室阿哥在道阿哥不歸阿嫂何依

養蠶忙不梳妝耶炊飯妾采桑耶無事莫入房小兒啼尋阿
娘

摘桑看火桑枯猶可火焚則那蠶不熟無衣服火不戒燒我
屋莫煮酒莫焙茶朝看薰籠夜看燈花陌頭逢女伴歸去囑
鄰家

急急聒不急亦不聒儂有言君未達儂有心君不察

公公挂鈎春水東流大魚小魚見鈎而愁公平公平且復休
漁弟漁兄今白頭

甘蟲甘蟲無人挾彈無人張弓南山有虎中夜飲羽爾蟲則
苦

蘄州鬼忠義死忠義死報天子墓門之樹無斜枝魂歸來兮
樹上啼

情急了君未曉昨日少年今日老

剝剝卜卜西鄰積粟東鄰無屋西鄰笑東鄰哭

婆餅焦安知婆心如火燒借得百錢糴斗米作餅餅中雜糠
粃餅焦稚子繞膝啼阿婆顧之雙淚垂

縲絲縲絲絲亂難治絲長有緒胡不尋爲

早栽早禾飢日無多爾遊而歌奈爾情何人家有田盡爲寶
爾家早禾變荒草

姑惡姑惡但得姑心樂不愁姑性虐

稽古稽古後甘前苦不見古人古事如觀燈昏眼合引錐刺
股博徒夜歸拍窗笑汝

看蠶娘子得幾許采桑織絹徒辛苦賣絹與郎還債主夜脫
破裙燈下補

春起也花盈盈春去也草青青

架架格格東方欲白負犁牽犢出南陌皇華驛前車軼軼朱

樓夜短燭光黑角枕香衾未轉側

大大水三百里米船不來米價起漫漫瀰瀰水漂我犁洶洶
瀰瀰水入我屋

脫卻布袴布袴已破倩人補翻箱倒篋無尺布

快掘快掘風吹地裂喉渴唇乾腹背熱下有井泉甘且冽
麥熟也哥哥田家歡樂多小麥作飯大麥作酒召鄉鄰享賓
友更拌十斛娶新婦新婦來歸麥化蟲飛

寒泉寒泉朔風怒號天欲暮兮雪欲飛投澁樹兮巢卑枝嗟
爾行人胡不歸

提壺盧沽邨沽今年米貴一斗不醉

把禾羅穀禾黃穀熟七月八月朝魚暮肉四月五月兒啼女
哭

泥滑滑爾擔犁我荷鋤爾耕我鋤行人在途跌倒泥中無人相扶

搗藥搗藥金石草木九咽之氣無人服仙客雲中跨黃鵠
行不得也哥哥雪滿天冰寒河短衣負篋身屢蹉何人披裘
騎馬過馬後還隨雙橐駝

咄咄怪南陽第宅何時壞屋上瓦當牆上甌有人拆向街頭
賣

啾啾嘖嘖朝屋南暮屋北屋中之人何所求裹糴跨馬遊幽
州

鵲鵲鵲聲鳴鳴大姑無完裙小姑無破襦阿嫂揩眼出中廚
飢腸括括鳴轆轤縣中小吏來索遺籬下雞雛待雞哺殺雞
享吏吏猶怒

不如歸去歸去不得不如且住茆屋三間在何處千山萬水
來時路

得過且過忍寒禁餓急景嚴霜羽毛摧挫往時鳳皇不如我
卽目

石竹埽晴霞金鶯語落花溶溶溪水動流恨入誰家

康樂翻經臺故址

卽今臨川縣學舍

寶應南朝寺繙經舊有臺儒關停暮鼓淨土落秋槐成佛三
生業驚人一斗才青山滿城闕著屐更誰來

曉妝曲

樓角紅梅送香影銀蒜搖風光不定悄收明月貯虛匳朝來
化作青銅鏡凝粉殷脂勻未消波斯蛾綠輕淺描同心綰就
流蘇髻斜插雙鳳金翠翹百舌調簧繞芳樹裙長袖廣迴身

顧游絲一尺漾遠晴畫屏妖女秋波明拔釵戲打催花鼓驚
醒寒籠睡鸚鵡

晚妝曲

綠雲滿梳香澤膩畫眠鴛枕落鈿翠下簾雙燕早歸來珠花
一朵開鏡臺臉邊薄暈小桃色頃向斜陽新看得龍檀燭奴
擎桂膏無人偷近承雲側銅葉錚錚漏初動禿衿小袖宵寒
重明璫欲解意遲迴試帶華妝入春夢

獨立

獨立衣裳冷西風如此寒少年將老大知己各悲歡藥向何
山采琴思過海彈菊花自榮豔不問九秋闌

戊申

春

春氣融融似太平
啞禽能語病芽生
飛花莫怨風和雨
猶勝窮秋日日晴

寒食後二日卽目

止酒過寒食和煙出小邨
乍晴花掩淚將暝柳銷魂
山勢隨雲改溪流帶雨渾
野情無處著歸自倚籬門

雜興九首

邯鄲了一生未熟黃梁飯
石室看殘碁斧柯亦已爛
久暫何絕懸短長定誰算
盆水鏡空月暗中自流換
不夢亦不仙千齡委達觀
頑鐵熱可鎔堅冰寒不泮
秋點鳴丁丁人間方夜半

欲尋素心人萬里詎云遠
浮舟海水昏驅轂山石很
西鄰有韶女顏色桃花淺
時聞繡戶開每見珠簾捲
芳愁豈無屬密

意會莫展萍藻散春流楓梧老秋苑

盆花與寵鳥生趣何迫蹙雲山本高空人力苦拘束扶桑指
天門神鼇轉地軸物大誰能閑身微乃見蕃朝爲東山遊暮
向西園賜化機殊自然會心隨所觸萬類同兩間豈會逃耳
目

佳人望秋雲明月照眉嫵人間信寡歡天上良復苦銀河無
風浪牛女寧自阻陰陽不變化間隔成終古殊根四時花異
色五方土吁嗟邯鄲侶遠嫁瞿塘賈

華堂坐茵褥焉識行者疲瓊筵列鼎俎豈憶飢人飢命途有
差等苦樂終轉移鄧通絕粒死司馬乘傳馳春花滿芳樹秋
葉辭高枝雪霜非暴物風雨無常期

海潮不到處鹽鹵出池井白日窮寒門燭龍光耀炳天意無

方隅人心苦畦町貧富不相資智愚各自逞九州殊卑高四序遞炎冷瑞錦成灰煙腐草生光炯飛黃奔絕塵臨水焉得騁

穴藏先知雨巢居先知風物靈人或昧豈足爲盲聾猛虎落陷穽鷺鳥歸條籠物愚人自巧豈足矜明聰握雲層岩上捉月清澗中儼然是虛幻亦可給兒童聖人師萬物神智真无窮

鸞鶴在雛鰖霄漢能翱翔三年鍛羽翮百鳥皆失望筦庫待文子舍人依孟嘗得時良所願失志徒自傷薦蘿欲相附松柏曾不長一飯千金報問風心激昂

高岸積衆流直幹屈羣枉志士爲長嗟側身久俯仰氣搖銀海波骨峙銅仙掌垂首入樊籠策足向塵坱雖邀翡翠憐終

待驂驢賞殊恩豈羅衣真寵非珠幌西施有黃金只鑄鴟尾像

廢圃

草蔓花無色桑枯鳥亂號百年畱廢圃一沼瀉前溪過客穿苔逕鄰翁廣菜畦誰家金盞宅遙映綠楊西

野塘

一片清涼地遮雲得古槐久晴龍亦懶侵曉鷺先來蓮葉迎風捲菱花背日閒何人還肯到相與濯塵埃

長城曲

六國軍鋒盡秦皇未損兵誰知征戰士畱骨葬長城

秋思

草短蟬聲急松高鶴夢涼好花秋總淡奇石晚逾蒼獨立迎

新月餘愁付夕陽何當招隱士空對碧山長

同友人酒樓作

野鳥相呼醉秋色君傾蕉葉我浮白酒樓三面水雲寬城影
山光墮樓側世間誰醉復誰醒屈平豈必笑劉伶金貂解去
渾閒事李鷹亦有身後名

南昌道中

秋色空迎薄笨車歸心冉冉逐煙霞鷺鷥浴處風初冷鴻雁
飛時日易斜紅雨滿山烏相樹白雲浮水紫菱花此間惜少
詩人住竹屋茅廬四五家

己酉

閨人早春二十韻

繡榻郎先起羅衣婢正烘鏡光金匱匣簾響玉玲瓏寶鋌低

囊貫明璫側耳充雙鴛銜帶結小鳳啄鞵弓錦地璫瑜斂瑯
窗屈戌通雪消瑤砌溼雲入畫廊空凭檻迎新霽懷香佇暎
風嫩愁鶯語外芳意草痕中盆柏疎敲翠瓶花碎隕紅蕉心
猶裏札筍甲未抽箭筈纏蛛絲密等排雁柱工遲迴揜廣袖
宛轉出纖蔥墜瓦驚行雀流丸逐去鴻年華真錦綺春色盡
房櫳陌上塵芳軟溪頭凍已融醉輿珠飾幃遊騎綠搖駿竹
暗湘娥廟煙凌斗母宮踏青蓋獨往拾翠與誰同洛女門剛
對施家宅在東來朝應踐約不寐倚熏籠

枯魚過河泣

枯魚過河泣再生勿復入東海行揚塵蛟龍無處蟄

白雲峯精舍雜詩五首

雲垂銅斗東雨暗金蟬北風色來冥冥松聲久瑟瑟石磴罷

臨曉花宮會道灰牧子下山遲爾牛歸不得

朝采芣中蘭蔦廡林下笱木根時可燒斗酒幸未盡雲來硯
花溼日出琴絲緊入世笑支公猶言買山隱

讀易師伍喬歌詩慕李白蘿影上衣巾苔花接几席俗賓殊
不干佳日澹將夕臨池忽有會投竿釣銀鯽

樹喧常覺風石潤乍疑雨孟夏寒猶春微陰暝當午拾薪有
羣兒禮佛來邨女牆頭月季花往往遭折取

山花不知名嬌比春海棠山鳥相和語宛如雙鴛鴦閒行窮
石態久坐聞天香俯見行人小悟余居上方

醉歌行

袖中一笏險麋墨磨於盾鼻能殺賊才高沈謝彼何人弄月
嘲風到頭白蛾眉猶挽雌黃弓采韡錦襖馳飛龍書生豈無

好身手森魚飽死繚囊中矛戟森森稱武庫誰憐一劍無揮
處醉中奇氣颺飛騰試研千年老桑樹溟海東南浪拍天鯨
鯢潰沫蛟流涎蒲邱飲飛不得渡乃知壯士輸神仙杲杲鬱
華忽西匿少年意氣嗟何益君不見畱侯終從赤松遊穀城
山下尋黃石

初夏自白雲峯歸

未信春歸去還家問草堂新鷺楊柳綠小蝶菜花黃挈榼
醪醖窺園野興狂山桃前歲種已是比人長

同居

同居異志豈相謀笑我無心似白鷗元載求官憑鼠目管寧
割席爲龍頭奴耽嬾惰常逃事病愛清涼卻畏秋眞長幸能
憐仲祖每因稱藥過南樓

南昌旅次病起

夢踏空煙去西風吹復回
生涯葵扇影心事藥爐灰
月送微涼至花迎晚霽開
稍能消惱熱恰有故人來

寄陳象門

奎

臥病秋風裏思君不見君
酒懷今索莫詩課尚辛勤
湖月清於水山松淡入雲
登樓時獨望過鴈各成羣

登滕王閣憶鄧中前歲同遊諸子

白練橫拖秋漠漠風捲江聲入
高閣片雲飛過鬱孤臺
千帆直沒潯陽郭故人曾此共登高
紅蓼丹楓醉濁醪散手月明霜落裏
客窗分枕聽寒濤

短歌示親舊

適來偶被微名縛病軀臥對秋屏閣
一息如絲斷卽休不圖

更有生還樂老親悲喜謝神佛少婦驚疑問湯藥鳩形鶴骨
苦支離只餘豪氣猶騰躍去時徂暑歸隆冬寒雲羃水舟翔
風一日一夜二百里狂歌徑欲驂虬龍殺雞買魚事烹飪遍
召親朋十日飲雪花簃簃燈焰昏倒藉糟牀杯作枕人生醉
死寧不歡鴻毛泰嶽當齊觀只須鬼伯相催促富貴方炎骨
自寒

青芝山館詩集卷第二

臨川 樂 鈞 元淑

古今體詩

庚戌

書漢書黃霸傳後

清時吏道純治世民風質守令誠循良才能卽輔弼西漢紀
治行潁川稱第一教化既有徵休祥豈亾實於時漢中葉文
綱頗嚴密天子尚酷吏公卿事刀筆使君明治源刑罰獨矜
恤遠遵蕭相法盡變張湯律主德況仁明民生自寧壹詔謂
太守賢股肱佐王室治道去泰甚紀綱慎統帥坐論若無爲
相職固已畢豈如親民官考課計得失誰爲論功名損於治
郡日大器隨所用名臣不世出三公比胥徒百事成牽率牛

喘復誰問同聲笑丙吉

哭亾女棠妮

我生當幾年男女聯翩舉自覺塵障淡憐男復憐女男今已
四齡女尚未離乳時常索耶抱憨笑解言語語笑忽以乖棄
耶就黃土當汝初病時其醫汝外祖卽言不可治兩日氣如
縷艱難購紫葳於法當小愈服之轉氣絕藥物豈誤汝或云
索負來待此爲償補嬰妮襁褓中飽受諸煩苦我雖萬金耗
汝得在何許斯言良汝誣念汝益悲楚斂汝故衣裙棄汝殘
餅脯戲具盡焚燒汝魂可攜取

將之京師奉別族叔松巖先生

十載孤貧身不死先生於我猶父子十載商量心不孤先生
許我爲門徒先生自樂林泉老勸我遠上長安道檢期萬里

山頭雲蹤跡一朝天際鳥昨過南邨舊講堂手栽花竹高出
牆下有幾叢書帶草上有一片紅斜陽夜來離夢入煙霧十
二層城在何處可憐遇合期空虛風馬雲車總迷路觀經逐
隊向鴻都先生知我無遠圖甚愁人事多乖迂願託南鴻數
寄書

出門

出門計已決三日天寒陰上堂告慈母涕泗俱潄潄長兄爲
我行對酒不復斟山妻爲我行制淚囊書琴小兒索餌啼竟
日聲欲瘖芳草綠滿路鷓鴣啼園林別家無一時已判昔與
今近事成恍惚遠事時追尋徒聞才傑士銳意希纓簪西笑
復何有空傷遊子心

皇華亭別外舅王癡山先生道中卻寄

莽莽浮雲東北起，飄飄柳花落溝水。公歸我去更無言，車輪一轉卽千里。五步十步各回顧，一里兩里生塵霧。焉得樵人知我心，一時伐盡南山樹。

安仁道中

山頂雲都白，山坳花自紅。眼新離別後，春老路途中。日暮鳩呼雨，天寒燕避風。隔溪招渡急，行子各怱怱。

重過貴溪學舍時方改作

峩峩藐姑山，灑灑薌溪水。城頭風景尚如此，紅牆剝落莓苔紫。紫薇兩株一株死，廣文官舍孔廟側。瓦甓成堆棟梁墮，依稀記得兒嬉處。竹筵花籬板扉隔，捉蝶承蜩叫且舞。草間蚱蟬如風雨，當時樂事徒癡頑。此日孤蹤劇愁苦，先公高步安冷官。身後故物青廬寒，十八年來等夢寐。鄉關回首雲漫漫。

白頭門吏不相識坐我中庭舊磐石

弋陽

暮至弋陽溪孤城夕照低歸雲何處盡三十二峯西

望靈山

靈山不愧名雲霧佐奇幻地肺千葉張天衣五色爛青連廬
阜樹翠落洋寧岸峯情面面同石態層層換瑤草非世芳胡
麻是仙飯丹邱定相接元籙難脩纂道家方競誇儒者固疑
誕由來五嶽尊特與三山判秀宜鍾英傑險亦資雄幹萬物
不虛生九陔靡空觀含笑問山靈斯言匪河漢

廣信道中

野店衝雲出新晴其鳥知煙過寒食暝山入信州奇細草眠
畔具疎花露酒旗停車吟望久忘却是天涯

衢州樟樹將軍歌

相傳明太祖嘗避兵樹上
定鼎後封樹爲將軍云

將軍勝國老樟樹明祖避兵樹高處衣錦江干三百年枝條
盤屈生雲霧此事有無吾不知野人傳說行人疑冰合溇沱
鳩覆井眞王不死良有之吁嗟乎五大夫松受封拜秦璽久
亾松尚在將軍身老心未枯開國功名終一代人事衰榮遜
草木胡黨藍黨遭殺戮西市拋骸三萬人功臣地下齊聲哭

蘭谿打槳詞

蘭山影娟娟越女棹蘭船輕風吹蕙帶細雨溼花鈿輕風復
細雨問郎向何處對岸是平沙沙寒郎莫渡紅樹柳邊疎中
流喚賣魚買魚須買酒酒瓶在儂手

釣臺

天不容人竟隱淪買山何處絕紅塵巢由未許逃名姓況復

君王是故人

錢唐懷古四首

羅平妖鳥逐風翔
符命何曾屬董昌
四世金甌吳大帝
他生黃屋宋康王
遊春陌上花空老
衣錦山頭樹亦僵
一種江南亡國恨
表忠碑下獨傍徨

眼裏吳山突兀存
中興舊事那堪論
浮江龍馬偏安局
酹酒風灰二帝魂
寇敵披猖將盡朝
廷卑小詔臣尊
西湖獨有傷心處
柏樹南枝拱墓門

閭馬丁當國勢亡
宮中排當夜偏長
梅花已插元臣擔
蟋蟀方籠宰相堂
有信江潮連日爽
無情海浪倚風狂
鳳山王氣仍消歇
空把臨安作汴梁

南城戈甲起中宵
東市冤霜白日飄
兩帝辱同鸚鵡識
尸臣

哀感鶯鶯謠衛侯反國仇元暉武孟論功寵豎貂熱血一腔
空灑盡精魂長對浙江潮

西湖曲

儂試踏青鞵君乘搖碧齋金罐灑塵開水路紗籠更引鈿車
來儂擎橄欖茶君擎牡丹餅門外東風妬冶遊時時吹亂桃
花影遊女折花花滿身花神廟裏拜花神花神睇花嬌欲語
前身卽是遊湖女遊湖女曉妝靚畫眉樓倚西湖濱山是黛
螺湖是鏡繡旗拂拂搖秋千粉雲霏霏隨管絃半道相逢多
姊妹隔堤相望比神仙綠楊稀處調鶯燕似恐蕭郎看不見
蓋頭不用紫羅巾障面不須白團扇南峯北峯斜照紫長橋
短橋月未起將軍催鎖錢唐門十里香塵散煙水處士亭前
鶴不歸平章閣外鴉亂飛此時賸有狂歌客獨斂歡門浮大

白

過太湖

三萬六千頃客愁飛滿湖浪花浮笠澤雲氣溼姑蘇斷戟沈
沙盡扁舟共燕孤洞庭青未了何處問勾吳

舟中望見蘇州

一橋低鎖太湖雲樹裏新鶯兩岸聞金碧樓臺三十里畫圖
須倩李將軍

五人墓

委鬼當頭日月昏當時直道在斯民恨無兵力誅常侍忍見
碑名刻黨人并命更逾三士勇論功應與五王均幾堆俠骨
山塘路地下要離敢卜鄰

京口渡江

金輪飛出海門圓盡見淮揚以北天啓榼慢嘗京口酒揮豪
遙蘸秣陵煙山擎樓閣遮迴岸浪擁龜鼉避過船却憶孫吳
年少客風流已在永嘉前

柳枝詞

御河如帶柳堤斜楊樹楊花繞妾家但願郎身似楊樹莫猜
儂性似楊花

淮安八韻

碧草南來盡黃雲北望多萬家低到海一郡險當河轉漕艱
牛運司關密鳥羅華旗高自颶巨艦蹙相摩廟說元王在墳
疑漂母訛鉢山杏笙鶴娑樹失煙蘿古蹟消吟蓋生涯羨釣
蓑射湖春水闊綠處是新荷

雨中到邳州

樹杪朝陽散馬蹏油雲如幕四天垂野田一路無邨郭風雨
隨人到下邳

邳州夜發

雨後纖雲白脂車趁夜晴星多泥更爛樹暗馬頻驚破夢殘
燈色傳愁碎鼓聲圯橋無問處前路正雞鳴

經荀卿墓

荀卿嘗著書李斯乃焚書荀卿嘗好儒李斯乃坑儒李斯仇
荀卿乃是荀卿徒大匠不琢不材木入室操戈勢何蹙當時
幸已死蘭陵不然詎免葬鋤谷吾聞祖龍敢戕闕里樹此地
乃有荀卿墓

過王彥章墓

椒蘭殿前赤草荒卜郊還弒濟陰王朱三老賊死萬段忠義

乃有王鐵槍沙陀夾寨臨河鑠鄆州傳箭急星火老奴韉繩
哭入宮非用彥章事不可昏朝豈復論功勛內有讒人外貳
臣以笏畫地嗟何益羣邪去爾如摧薪中都一戰等兒戲閨
運已屬同光帝平生每輕門雞兒今日方知李亞次人當死
名豹死皮朝梁暮晉臣羞爲墓門疾風吹勁草想見躍馬橫
槍時可憐裴約劉仁瞻死節與君同一傳君不見僞國忠臣
亂世才劉宋亦生袁景倩

過汶上縣懷故臨川令尹曹進齋先生

野色暮蒼蒼驅車過汶陽路人無舊識墳樹鬱何鄉敝邑遺
碑在前程古道長感恩殊未報中夜淚千行

東阿項王墓

不帝而王列本紀後世紛紛議遷史大王五體皆封侯豈滅

亭長作天子手裂秦地分侯王自著錦衣還故鄉鴻溝旣割
卽掉臂公之過信誠天亾東城殘兵廿八騎終視漢軍等兒
戲瞋目一叱千人驚九頭草木猶生氣往時老姬哭澤中當
道白蛇疑是公劍光已奪精符去百戰百勝無成功寧死不
肯歸江東談笑割頭付馬童滎陽紀信假黃屋劉季反覺非
英雄穀城亂山銜落日眼裏孤墳勢猶崒山風悲似楚歌聲
毅魄應騎騅馬出

虞美人歌

咸陽宮殿成焦土戰馬分駝六國女漢王置酒彭城宮蛾眉
歌舞爭春風項王悲歌泣垓下獨有虞兮共駿馬英雄爲爾
嘆奈何豈是尋常傾國者項王當日無親臣亞父而外惟美
人芳魂化作原草綠上有鵲血紅千春君不見娥姁昔陷楚

軍裏忍辱偷生曾不恥君不見鴻鵠高飛舉千里楚歌楚舞
淚如水行人莫弔嗟虞坂嗟虞坂在定遠縣南長陵永巷秋煙昏

麥秋謠

四月南風吹麥香小麥青青大麥黃東邨新婦晨炊罷腰鎌
束助阿壻忙今年麥熟去年荒去年逋賦今年償得麥十斛
莫上倉明晨有吏來催糧

過董江都故宅遺址十六韻

昔讀儒林傳今過董學邨庭階芳草沒碑字古苔昏地表樂
公社名高謝傳墩懷才包宙合應運出乾坤一貫心應契羣
儒舌可捫天人三策偉道誼兩言尊武帝初求治文臣盛建
元傾邪逢主父貴顯讓公孫海上神仙宴宮中正盡冤賢良
雖見舉姦佞乃承恩瑞氣無膏露盲風化血痕驕盈方敗德

災異付空言王佐遭時舍遺編與道存河汾衍流派濂洛借
淵源舊籍銷秦火斯人繼孔門昌黎尋墜緒何事不追論

白溝河懷古三十韻

一水分平野單車碾大橋日低沙氣白雷怒石聲驚鎮特雄
瀛漠疆曾畫宋遼邦畿當孔道邊事憶前朝地自兒皇獻兵
惟耶律驍牽羊隨太后磔犬對羣僚打草千邨哭焚桑萬室
焦騎魂傷雪凍豔骨逐風飄漢主仍尊枹燕王尚賜貂三關
雖返壁八部自揚鑣點檢袍初換封樁庫未饒偏方俱殄滅
窮塞獨矜驕上將軍猶挫中原幣屢要鴻溝楚人割銅柱漢
家標斥堠閑秋戍疆場靜夜刁相持看蚌鵲議後怵螭蜎
乃師臣啓功由媼相邀頓忘脣齒懼不悟虎狼招海上盟何
有河東勢早搖六州甘巨餌七廟毀狂票岸草民膏涇河流

戰血漂快心賓鐵壞轉瞬大金銷閭位碁爭劫雄圖博賽梟
強梁誠莫制運數特難料陵谷經三變楸梧歎幾凋烽煙今
久熄甲冑昔空敷驛館容巢燕遊人敢射鵰淤泥埋斷戟古
隴臥閒釜黯黯收梅雨芄芃見黍苗桺條無限綠轅馬暮蕭
蕭

望 太液池

衛士冰嬉處涼雲護瑣闌鳳皇花外舞鷗鷺鏡中飛桺色飄
紈扇荷香染葛衣無因化黃鵠戢翼待

鸞旗

小市

大賈通舟車中賈列肆居小賈力負販長呼繞街衢咄哉小
市賈執業尤區區孳孳雞鳴起厥候神農殊紛紜列星貨刺

促甘泥塗銀盃出臧獲金盃來邱墟釵鈿拾道路環珮解衣
裾或持同舍袴或竊鄰人鈇或賣樂昌鏡或嚮中郎書楚人
誰得弓鄭客偶還珠蠟鞭旣售詐燕石還欺愚駟徒操左券
市正收私租嗟此失業民恃爲衣食圖可嗤仍可憫焉用窮
根株獨歎消息理輾轉如轆轤赫赫五陵豪鶉衣啼路隅平
泉富木石有力負之趨戔戔晉公第竟屬督役奴滄桑閱銅
狄子母悲青蚨懷璧豈無罪竊鉤原有誅多財懼厚亾苟得
尤可虞達人芥千金愚者營鎔銖龍斷左右望此曹何地無

病熱少閒枕上作

井梧蕭瑟戰窗陰竹枕藤牀冷不禁病骨知秋如鶴警愁歌
永夜和蛩蛩紫花梨好曾消熱素葉瓜寒可鎮心贏得此身
猶健在白雲滄海任升沈

病起書懷

吳楚天遙旅鴈稀
梁園病客最思歸
層城不鎖江湖夢
孤館誰縫薜荔衣
人與鬼神爭起伏
氣如煙雨尚霏微
中秋忽過重陽近
孤負東籬杞菊肥

卽事

六州難鑄錯一字
竟吹毛命蹇詩猶厄
途窮酒益豪公卿非
白眼身世自青袍
不作扶桑賦平生嗜楚騷

九日

秋氣侵人骨
天涯賸此身
驚心霜信早
照眼菊花新
失路逢佳節
登高念老親
京華行樂地
遊子莫酸辛

作家書附一絕句

來當李白桃紅日
歸約橙黃橘綠時
淚灑西風人未見
鄉心

只有去鴻知

奉寄松巖先生三首

諸生業未竟忝舉明經科封軺卽

皇路北度盧溝河仰瞻丹鳳闕星斗光駢羅擾擾羣仙人抗
聲雲際歌聳身雖莫上意氣爲嵯峨良工采衆玉瑕玼嚴琢
磨朝爲楚國寶莫棄昆山阿細思亦無恨倖進當如何所嗟
舊業廢年歲徒蹉跎

十六遊師門爲文不成篇二十迫人事書鐙無暇燃性姿又
頑情嗜酒耽酣眠夫子乃寬假百端隨所便方寸一浩蕩若
魚游長川操觚恣描畫枯木生雲煙稱嗟不去口愛甚忘其
偏春草復秋花追隨曾五年碧山照顏色松竹皆欲仙道祖
師范公弱齡志林泉黑頭自足貴何必資貂蟬

九月天驟寒十月堅冰至漠北羔羊裘不禁朔風厲一病成
今吾所餘但客氣讀史心不平悲歌擊如意同居四五人旦
夕相娛慰揮盃餞流雲焉得其長醉孤眠中夜醒暗鼠銜燈
穗歲暮干林凋盆松黯寒翠

奉寄王癡山先生

殘春已盡江南道四月燕郊見新草西風又入昭王臺碧梧
凋謝黃花老袖裏短笛吹無聲牀頭孤劍寒不鳴買觴欲呼
郭解飲騎馬常避秦宮行昔時意氣凌霄漢願依日月分光
粲紫館丹梯萬丈高青天碧海一朝判臨行記宿先生家酌
我別酒濃如霞庭前正舞刷翎鶴林外亦飛銜尾鴉高節榮
名兩成誤夢中宛轉尋歸路細雨能肥西塞魚斜暉空滿東
臯樹白雲峯頭舊草堂猿鳥相思應未忘但恐山靈謝逋客

不羞天壤有王郎

寄內子二首

淡悔秦嘉上計非
白雲何處是親聞
長江又隔三千里
截竹生魚寄不歸

春風吹斷別時腸
內子轉眼金臺見雪霜
帶得羊裘猶未典
不須搗練寄衣裳

送吳茗香同年崑崙出都之解州

跼促鹽車千里驥
遷延虞坂七重山
今君亦負權奇骨
到此應傷憔悴顏
莫逐浮雲遊鴈塞
且先飛雪度蒲關
上林桃李春風近
待爾看花及蚤還

十一月二十一日宋澹思進士鳴珂二十梅花草堂

消寒第一集
拇戰聯句同集者羅兩峯山人聘王葑

叮給諫

友亮

甘西園

立猷

周載軒

厚轅

兩太史陸杉

石儀曹

元鑑

周希甫舍人

有聲

胡黃海明經

翔雲

宋

雲墅儀曹

鳴琦

文譙開兵厨

聘

高齋呵凍視主人呼雪來

厚轅

饕子斲冰饌

渴翻酒池倒

鳴琦

笑索梅輔倩鉤藏疑用機

立猷

拇列歛同

戰兩軍分火茶

友亮

竝櫓交組練初如彌伍承

翔雲

忽覺繞

百鍊一指豎天龍

鉤

羣呶震梁燕爭雄壘新立

鳴琦

作氣馬

母殿破陣驚錢唐

元鑑

徵轡輸紀甌排鼓儼堅城

有聲

撒手

激傳箭駢須虞漏師

聘

屈或張空拳幸非舟中掬

厚轅

請以

肘後見肉薄左右孟

鳴琦

肱麾百六椽握淡矜透爪

立猷

持

久防唾面拳嘲李陽毒

友亮

舌逞張儀變拂拂氣益盈

翔雲

僊僊舞無倦旅酬訝鯨吞

鉤

眾舉怪釐并動若持蠶螯

鳴琦

靜若揮羽扇捷若騰白猿元鉉織若走紅線頭若屹山嶽有

聲目若閃巖電石心八陣轉聘燭影五花旋預防虛聲奪厚

轅轅隱休他人先羅紋往來織鳴珂布算迴環便息以息相吹

立猷肩及肩遞嬗支撐賈餘勇友亮牽率結強援勢難長短

齊翔雲顧判東西眷迴思門羣螳鈞良夜閉淡院奪幟宛在

斯鳴琦執耳疇不羨戲書勛九伐元鉉好孽牋數片必也君

子爭有聲庶幾嘉賓宴聘

澹思進士杜陵春院本題詞

樂府爭傳太白狂杜陵野老又登場詞人每愛談天寶水綠

山青易斷腸

澆愁還借八仙歌雲夢胸中作酒波我合傷心君含笑詩人

從古不登科

偶吟戲蝶與嬌鶯黃四孃家寄遠情遂使浣花添本事紅牙重譜豔歌聲

消寒第二集題消寒圖三首以題爲韻

風信初來暝尚遙客寒同借酒盃消一分花事三分雪畱與詩人次弟描

冷蕊疎枝水墨乾宮梅正暎野梅寒故園驛路三千里籬落何年放眼看

月地雲階影不孤尋詩得句笑相呼他時合有傳神手續寫仙宗十友圖

題羅兩峯鬼趣圖二首

聚窟神香那得焚九幽甘露更無門尺纖替寫陳人照攝入豪端便返魂

空山殘月夜窗風扇手叉頭戲惱公儻過南方逢赤郭羣魔
齊避畫函中

消寒弟三集傳壺歌

燭奴避席立四角甌宰無言典斟樂人各有手壺有腳壺到
客前自斟酌壺來不疎亦不數酒量淺深視鑿落前者毋推
後毋卻有如流水赴羣壑賓之初筵中此約強項不遵罰三
爵庭前積雪消紅爐解裘脫帽喉嚨龍龕漸違格令愆儀模一
客奮袂登牀呼左手執爵右提壺自言飲可三百觚唐花照
眼紅模餉玉山忽倒無人扶四座大笑渠非夫我輩飲酒真
酒徒

消寒弟四集咏都中古蹟八首

法源寺輒塢

相傳安祿山史
思明建今不存

豬龍翮鳥犯天弧京觀哀邱萬骨枯未信三摩畱淨土何勞
七級造浮圖鼓鳴早兆孫恩亂鈴語終徵石勒殂夜半樂聲
誰聽得遺基時有餓鳶呼

太醫院銅人

在署內藥王廟作於宋天聖時
長安客話謂從海湧出殆非也

引繩圍土不堅牢那及銅仙歲月高能與衆生同疾病寧愁
二豎在肯膏銘殊周廟三緘口貌似黃翁五代毛壽世良工
心特苦莫疑捧劍出波濤

報國寺窯變觀音

像高尺餘寶冠綠帔手持
梵字輪囷云得之窯變

一尊長現女人身綠帔珠冠妙相眞圓土依然離火宅拈花
自在轉金輪丹霞木佛燒無礙紫竹蓮龕幻有因幾許茶毘
僧坐化袈裟猶自未離塵

潭柘寺妙嚴公主拜軀

公主元世祖女削髮居寺
中持觀音文禮大士拜痕

入轍額手足五體皆印歲久軋壞獨兩足痕存萬曆壬辰孝定太后匣取入覽藏之紫柏

前身應是散花仙古寺猶存拜佛軋彈指劫灰長現世點頭
頑石亦通禪藏來竟比兼金貴磨出當成兩鏡圓多少娥臺
珠柱倒斷釘殘瓦臥秋煙

覺生寺大鐘

明永樂間鑄萬曆間從經厰移置萬壽寺乾隆八年移覺生寺

靖難兵銷鑄大鐘蒲牢長吼梵音中銅花竟隱華嚴偈金字
應銘戰伐功懺佛何曾除殺運應霜猶自動悲風景王心疾
嗟誰識榆木川頭下梓宮

姚少師影堂

在崇國寺後姚廣孝像露頂袈裟跏趺坐

形如病虎目生芒何物胖僧臆影堂曾是黑衣稱宰相竟將
白帽奉藩王英姿只許凌煙畫遺像難同滿月光老佛金容
誰更寫江湖影落恨茫茫

慈壽寺九蓮菩薩像

九蓮菩薩孝定皇后夢中授經者也覺而一字不遺旋作

慈壽寺建九蓮閣塑菩薩像跨一鳳而九首相傳菩薩爲孝定前身也又長椿寺有黃綾褰軸繪九

朵青蓮花題曰九蓮菩薩之位所孝定也今無存

霧閣雲窗事杳冥天龍猶護鳳皇翎星娥舊愛璇宮住鹿女常遮翠輦停不是降生吞玉勝誰能入夢授金經長椿寺裏黃綾軸也現蓮花九朵青

刑部楊忠愍公手植榆

在北所

西曹榆樹矗空階傳是容城舊手栽殘莢多年辭雨露孤根萬古敵風雷元同正直祠前柏不比婆娑府下槐棘木冤霜今久散暮蟬猶自抱枝哀

題紅拂圖二首

可憐富貴逼人遲餘氣尸居復幾時回首侯門歌舞伴沈香

塵裏葬蛾眉

絕代才兼絕世情英雄兒女盡輸卿
剪燈記讀虬髯傳片月當窗照膽明

除夕呈澹思進士雲墅儀曹

客味如荼蓼殘年各自知
借花迎令節分酒祭新詩
利市求何益癡飲賣已遲
圍爐相煖熱坐到打鐘時

辛亥

正月初五日雲墅儀曹巢雲外墅消寒第六集太平

鼓聯句二十韻

條風三日暝

聘

春意六街盈未踏繁燈影

友亮

先傳疊鼓聲

宣和遺舊式

有聲

汴水肇嘉名取象侔皇極

鳴珂

聽歌譜太

平持如鼓播武

翔雲

立匪摻過衡鑄鍊柔能繞

鳴琦

蒙皮薄

可擎連環星帶月鈞應候雨兼晴坎坎豐年報元鉉蓼蓼曲

巷鳴桐魚疑扣蜀立飲畫鵲苑懸正戶有吹陶樂厚轅人無

擊柝驚瓌形殊魯薛聘豪氣挾幽并隊逐兒童戲友亮棚分

忬舞情珠拋圓中節有聲箭激直催更戍布雷門動鳴珂排

山電陣傾革隨金共震翔雲緩與急相生著手千花落鳴琦

當得一鏡明元音齊華籥鈞雅奏叶韶諷勿使三而竭元鉉

須知九乃成通同元渾噩立飲奮豫本精誠竝擊康衢壤厚

轅軒龔許拜廣聘

檻虎行

虎不在山虎在市弭耳蹲身檻車裏虎奴弄虎如火羊奴氣

揚揚虎氣靡手探虎口頭觸須虎甕不敢縱牙齒奴資虎力

奴得錢虎受奴役虎應聽城南春日百戲陳沐猴鬥狗何紛

紛虎爲山中羣獸尊呼風吼地千人奔可憐搖尾亦求食壯士旁觀三歎息

消寒弟七集分咏畢吏部盜酒六韻

典午乾坤一醉鄉紛紛沈湎寄顛狂銜盃自可全真性飲酒誰能具別腸有客窺鄰開麴室背人乘夜近糟床金波穆穆花陰轉玉漏丁丁鳥夢長往日衣冠徒束縛此時風度少穠唐只應阮籍堪同調橫臥當盧少婦旁

消寒弟八集取古人快事效鐵厓咏史樂府十首

投大巫

河伯婦少顏色使君煩大巫入水報河伯河伯畱大巫大巫歸不得弟子三老相繼來皆無消息何爲哉河中之水清且瀏河伯今年不娶婦

朱亥椎

夷門老監刎頸死力士以力報公子袖椎不獨殺晉鄙武安
一軍氣皆靡邯鄲城上歡呼天自古無如公子賢弱趙復存
三十年不然孝成已作降王遷異時博浪沙中報韓客一擊
還襁祖龍魄嗚呼兩椎不多得

斬醉尉

日中射殺南山虎夜行乃逢醉尉怒醉尉權重將軍輕今尚
不行何乃故將軍數奇雖不侯他日猶能斬尉頭小人忤慢
無懲戒容之固宜殺亦快死灰曾有復燃時田甲舊事君應
知

漁陽搗

賓客坐鼓吏裸我欲罵衡衡反辱我雷霆吼怒風濤驚漁陽

三過聲復聲狂生鼓音何不平鼓音不平丞相且聽

除三害

長橋青骨蛟南山白額虎凶強更有周家處三害不除鄉里
苦處也聞之背欲裂上山刺虎空虎穴入水斬蛟蹀蛟血改
行自立千秋節快哉三害一時絕吁嗟乎虎有爪牙蛟有濤
波人不濯磨奈蛟虎何

集翠裘

集翠裘嬖倖服之從宴遊紫紵袍大臣服之拜冕旒以裘對
袍臣所羞聊供六博爭三籌褫裘徑出宮門去笑喚家奴以
賜汝六郎低首御牀前面似蓮花汗如雨

周興甕

畫地莫畫獄刻木莫刻吏衛鞅以來人苦畏焉知作法還自

樊垂拱新開例竟門銅匭訐告來紛紛羅織一篇條貫密萬
家冤血流覆盆牛頭阿婆刑器重謀反亦被他人訟快哉刺
盾卽用矛有狀推兒請入覲一朝南竄遭橫戮仇家仍瞰俊
臣肉天道好還如轉軸君不見甯成破滅溫舒族

太白韓

天子猶容學士醉餘人誰當先生意妃子捧硯臣則榮將軍
脫韓臣乃戲不令公喜翻令公恥漢宮禍水激怒妃子可憐
飛燕倚新妝天子棄屣辭咸陽馬嵬玉骨泥中朽錦幘卻歸
老嫗手

章臺柳

章臺柳青青樹韓君平來何暮妾屬沙吒利郎隨侯節度掩
淚輜駟中相看此行路許虞候古押衙我能致之君莫嗟佩

雙韃從一騎昂昂直造沙吒第將軍中惡名夫人頃刻紅妝
騎馬至楊柳枝猶依依相思相憶經幾時如今始敢高聲囁
告節度奏天子沙吒吞聲復心死快人快事那有此

錢唐弩

錢唐潮奔白馬錢王弩迎潮射風雷失勢魚龍怕潮來不敢
近城下吾聞子胥倒行而逆施役使海若驅馮夷隨流揚波
山欲飛錢王乃以人勝之亭中鐵箭高如柱英雄餘氣震千
古秦皇射魚未足數況乃夫差水犀弩

春遊雜詩五首

小別江城近一年欲緘鄉夢報癯仙尋春只見春前雪冷落
騎驢益浩然

燈市無燈月出遲羈遊已負上元時白雲觀裏作燕九中有

神仙知不知

碧油幢引高軒過紅燄竿牽矮馬來尋得遊人稀處立始知
羅綺在塵埃

御柳搖風早燕來玉河堤上望瀛臺晴波照我清於鏡太液
輕冰昨夜開

白桃一樹豔西鄰紅杏東牆亦自春夜半月明風露冷花間
誰是惜花人

題家槐亭秀才

毓秀

紅橋扶杖圖

江湖散人因俗網林壑經年牽夢想匏尊野老來敝門袖貯
雲嵐入簾幌君昔結廬玉泉側昆明一碧平如掌蓮東乃有
長橋橫柳外時聞孤櫂響蹣跚行吟意最愜披圖指似神猶
往金椎驛路五千里紫陌游塵足十丈今於几上見蓬瀛洗

滌煩襟頓蕭爽天開瓊島傍玉京風景人間自無兩此境何時君再遊相期借我葛陂杖

栽柳三首

主人市髡柳列植書齋前上無黃金條下無青玉根經旬稍晴燥春意殊索狀願言乞雨師布雨彌田原分膏及此柳不日當華鮮開窗睇濃雲龍從停高天

長安道旁柳扳折何離披四株植階下託地幸其宜物生寡自遂灌溉當及時本根倘未固雨露無由施隔牆有高樹睨睨鳴黃鸝靜言揆至理拂拂東風吹

成絲復作絮佳蔭垂中庭所望固非奢事理恒無憑樹木計十年客居難久停松柏負勁姿或遭蕭斧刑況茲柔靡質詎保遂其生剪紅挂樹端祝樹秀且榮

雨後槐亭遣人送櫻桃花賦荅

小齋昨種楊柳樹一夜廉纖雨不住丈人今贈櫻桃花晴蜂
宛轉窺窗紗欲與茂卿同置酒翻驚太白未還家去年春暮
餘杭道滿市筠籠堆瑪瑙雪綴雲裝又幾枝客中春恨知多
少

萬柳堂脩禊圖一百韻爲槐亭題

并序

元廉希憲萬柳堂在京師右安門外與草橋相近今所圖
乃國朝大學士益都馮溥別業亦名萬柳堂在廣渠門
內康熙時開博學鴻詞科待詔者嘗讌集於此後歸倉場
侍郎石文桂旋施爲寺聖祖賜額曰拈花禪寺乾隆壬
申遼東李鴈青招詩人修禊寺中槐亭與焉寧邸秋明主
人聞之攜酒肴歌吹來會共二十有二人並有賦咏洵昇

平之盛事賢王之謙節也槐亭彙錄詩文成卷屬石星源
寫圖合裝後四十年辛亥三月出以示余索題

洛水流杯初濫觴金人獻劍秦昭王秉蘭蹕柳爭春陽翰墨
如山溢縹囊蘭亭繭紙騰精芒千秋稷節從此彰元默涪灘
屈青章長安勝會尤不常拈花寶刹菩提坊舊是元老平泉
莊當年煙雨萬垂楊名與野雲相頡頏種柳人去柳絲長蓮
塘花驢啼寒蟹石家金谷旋復荒主人乃是旃檀香是日天
朗風日昌燕郊士女踏青忙羣賢清禊集禪房酒龍詩虎交
騰驤騷壇旗鼓迎

天潢綠車青蓋來上方月支寶馬紫絲韁鳴鑾佩玉聲瑤瑤
愛士虛懷勢分忘下與野客同相羊攜來香薜新旗槍雪乳
雲腴分蓋嘗行廚絡繹羅酒漿屢割駝峯截鵝肪珍饈屬饜

醉檳榔金猊煙裊燒綠洋晴雲縹緲紫衣裳小部清歌聲繞
梁仙風泠泠韻笙簧繁音欲歇仍鏗鏘瑤星晃朗冰絃張嵇
老動操調宮商神遊太古鴻來翔二十二人迴繡腸一時墨
藩紛淋浪或唾珠玉當風揚或鼓波浪成湖江或掄金石流
新腔或爲韶女簪花妝東壁西壁鳴雷碾楊花如雪飛松窗
迦陵仙鳥亦相慶瞿曇欲下師子牀翔陽晚晚樂未央彎彎
新月蛾眉黃齊起祝王壽而戚豈減宋景從楚襄不數小山
叢桂芳緬昔待詔諸賢良曾於此堂傾玉缸西河一賦誇擅
場嘉禾太史記特詳襍序還說陳髯狂墨花豪采時無雙爾
來消歇數十霜復見岐山鳴鳳皇風流前後遙相望詰朝盛
事播

帝邦後四十年猶輝煌就中一老未殞唐金臺碩士疎眉龐

綠槐門巷富青箱當時意氣殊激昂綠衣年少烏衣郎屢會
玉帛爭麾幢其人其地身所當坐恐雲散風景涼古綃數尺
并寫將紅玉爲籤軸錦裝裱集詞賦球琳瑯畫圖詩卷久珍
藏攜來語我神慘愴會中卷裏人琴亡獨存賣藥之韓康槐亭
自號賣藥翁回頭雲海空茫茫乞我作詩志其刳披圖我亦爲感
傷嗟乎人事多滄桑珠闌玉楯餘積牆文章仍自分彭殤幾
人彊立幾人僵比之仙佛皆黃梁最可眷戀唯時光良辰一
失難復償我生年已二十強身不山林不廟廊經年坐對西
山蒼江南垂柳春成行絮飛春盡未還鄉人生浪遊誠不祥
庶纓欲濯無蘭湯心有萬斛愁難量願隨春柳風中颺何日
攜尊萬柳堂

浴佛日書懷

清江雜錄卷之二
三
一天花雨病維摩坐放濃春潦草過千佛真身誰現在三生
慧業定如何瓠茄入市邨傭早櫻筍登厨醉客多舊說
帝京饒景物冶遊今日趕秋坡

夏日過槐亭小飲卽席紀興

君爲昌國裔我亦戴公孫同姓分南北忘年作弟兄日長花
影慢亭古石容尊史事三千載銜盃得暢論

得吳茗香太原書卻寄

懷人有夢夢無鄉五月音書下晉陽燕約已違春社久蟬移
應就午陰涼問驅匹馬離虞坂卻望孤雲傍太行一樣天涯
何地慣長安要是看花場

苦熱二首

火雲如繖晝停天闕地牀冰未敢眠飲酒何心分魯趙吟詩

無氣敵幽燕新荷水淺擎焦葉枯樹苔乾發細煙依託貴人
終不耐生來骨相稱林泉

窗拓簾垂日苦長清晨迢遞到昏黃鴈傷獨影避新月蟬縱
繁聲喧夕陽過從每愁冠冕客逍遙難問水雲鄉故園茆屋
松棚下正有閒人話晚涼

喜雨

黑雲突兀撐晴空旱魃蹙縮逃清風雨勢彌天蓄未落纖塵
不起煙濛濛燕郊萬人仰首歎惜無壯士鞭羣龍造物好奇
了莫測夜喚阿香推雷公直瀉天河作簪溜家家朝食談年
豐我

皇誠敬格蒼昊應禱乃與桑林同瑞禾嘉穀齊堅粟竝有餘
潤分庭松膏澤渥流弗泛濫移時東陸彌天弓家雖無田且

在客頗念稼穡傷農功人生快意豈自爲況乃毒熱消簾櫳
往日未登高閣望
帝京佳氣原蔥蔥

聞蟬

萬綠屯煙經雨洗南風吹陰落窗裏晝閒背手看簾波嘒嘒
鳴蟬聒雙耳猿啼落月鴈叫雲不是有心會不聞庭院無人
孤草動蟲聲昨夜入秋夢

渡河詞三首

悄悄西風渺渺波雙橫玉筍瀉明河洗車昨夜滂沱雨不及
今宵灑淚多

明河萬古水盈盈迢遞終年片刻情青鳥赤龍俱不發白雲
明月總無聲

片月西沈碧海秋
人間好夢正悠悠
夜淡幾點歸鳥影
飄墮誰家乞巧樓

送家固圻廣文

伍

自太學歸彌勒二首

阮家南北幾時分
君住阿虛我舊邨

固圻之先自我族遷彌勒已十世

萬里

燕臺傷馬骨
千年慈竹見龍孫

先子政公嘗種慈竹于庭作慈竹詩以訓子孫遊蹤

槐市花三發
引恨旗亭酒一尊
此去直趨天盡處
盤江風雪到籬門

曾訪城南賣藥翁

謂槐亭八兄

戴公華胄各飄蓬
又看太學何蕃

去誰共長安
賈島窮小草在山成
遠志閑雲出岫逐
輕風歸時父老談
邦族爲道生涯處處同

得王庭山先生書

鷓鴣難借上林枝
又是長安落葉時
郵驛書憐經歲斷
江湖

心喜丈人知獨慙奉母非毛義安望生兒類袁師

書中報余次子生甚

聰秀風雨塵埃身自惜敢忘公誦放翁詩

和東坡四時詞

夜來小雨迎風落一剪輕寒透羅幕樓頭楊柳尚含煙檻外
桃花齊破萼繡被朦朧香壓肌間關鶯語知呼誰今日新晴
天自暝先教侍女減羅衣

裊裊游絲和畫永簾波滿地爐香冷魚戲紅蕖水閣涼蟬鳴
碧樹煙樓靜眉帶波斯綠黛嚙玉肌無汗粉痕勻偶揮羅扇
隨蝴蝶鸚鵡隔花遙喚人

金井梧桐煙不綠藤蘿新月透疎竹謝家樓燕欲辭巢秦氏
歸鳥啼上屋桂苑西風小閣漏涼如水浸空庭紅裝枕上
相思夢懊惱牙籠蟋蟀聲

日暮凍雲垂兩角，當階雲母屏風薄。
鴛鴦瓦上暗霜多，玳瑁簾前枯葉落。
晚妝愁見鬢堆雅，孤鏡誰知臉疊霞。
夜久薰籠香炭冷，手撚雙帶看燈花。

籠鳥行

籠中鳥不奮飛身，生兩翼將何爲？
日食主人一握粟，使爾毛羽空離披。
天青海碧風漠漠，黃鵠西來破寥廓。
亦有斂翅松間鶴，白露蒼苔自飲啄。
雄雞挾雌傍籬落，鼓翼向人聲臞臍。
奉送覃溪先生提學山左

紫薇花笑絲綸閣，五色芝泥天上落。
武庫青霜出右垣，文昌紫氣連東嶽。
海右古亭天下知，山東長句誰能爲？
杜老已無膏馥在，謫仙空有機杼遺。
秋風淨埽明湖水，先生往往住鏡光。
裏持論或采新城王，主盟寧數滄溟李。
齊魯諸生迎使車，明

年桃李多新花倘得古碑同魯峻乞緘奇字寄侯芭

九日

閣公飾意憐王勃孫盛狂言謂孟嘉嬾與登高人縱酒怕聞
同里客還家關心近事唯霜信對面良朋祇菊花日暮徘徊
東閣下天南何處是龍沙

喜袁蘅臯同年傳箕至

朔風曉猶勁簾幙透霜氣落葉響空階故人鄉縣至夙昔青
雲侶同心各異地寒林巢烏鵲野草啼絡緯關絕咸經年尺
書不得寄一朝尋故歡豈曰非夢寐子歸我所慕子來我不
意傑士宜爭名野人在適志同看天上雲出處兩難遂

次韻寄荅癡山先生

一身淪落負清時骨相才華兩不奇詞賦有人輕庾信科名

無夢替劉滋濠梁萬里傳詩筆漢史經年曠酒卮野鶴孤飛
巢未穩月明空念歲寒枝

秋懷六首

家書才附運租船羊角憑誰訪洞天酹酒荆卿屠狗市驚心
趙昱斬蛟年玉河水闊飛閒鳥金井風多咽斷蟬城北城南
礎杵急客愁都在搗衣篇

晴窗偶爲看雲開平挹西山爽氣來白鴈帶霜還碣石蒼鷹
逐日下金臺衣冠名譽無虛士館閣文章要異才料理此身
稱小隱柳條稀處望蓬萊

草偃林空七萃陳年年講武趁時巡雲連玉塞開熊館露薦
金盤宴鴈臣

王會日中無內外

帝恩天覆自尊親揚雄底事耽書閣不賦長楊獻

紫宸

鯉魚風起澹斜陽韋杜城南又蚤霜桐樹老敲千尺幹菊花
寒賸一分香秋鏡說鬼消殘夜節物隨人變異鄉負米便歸
猶未得那煩詹尹卜行藏

晉公甲第與城齊秦氏高樓大道西鳥雀亂喧臨水檻塵埃
遙蔽入雲梯貴人閒暇調生馬公子雄豪養鬥雞行樂正須
身外物雙眉何事爲心低

牆草離離俯澗松劍縱琴軫伴孤蹤馬卿慷慨空題柱沙穆
窮愁且賃春吳楚路長通一水衡廬山好帶諸峯故園幽竹
應相待夜夜凌風夢籜龍

對雪憶宋澹思都監宋公已六月矣

獨客當寒夜懷人記往年擁爐常命酒刻燭又分牋舊館塵
封榻疎窗雪滿瓊簾達如未死應放剡溪船

除夕見唐花

頃刻花開千萬枝人工奇幻奪天時春風自有真消息除却
江梅總不知